

謂之襲明而何

故善人者不善人之師見賢思齊不善人者善人之資而內不貴其

師道無可學不愛其資心無可用

又曰襲明如是是非善人也乎善人者不善之人所師以取法者也不善人者正善人所資以施教者也而究之人日遷善而弗知何人之力則亦安知有師之足貴乎道化自然及物而並非有心鼓舞振作於其中則亦安知有資之足愛乎故曰不貴其師不愛其資

雖智大迷屏智如愚是謂要妙任運天然

又曰聖人善救人物如其智可謂大矣而體立於無為用

道藏輯要

道德經解

三

心集一

運於無心淡泊渾穆雖智猶如大迷是即大智若愚之謂而道之所以為道者要妙即在乎此矣

反樸章第二十八

知其雄凝其神守其雌入炁穴為天下谿萬脈歸元為天下谿深妙常德不

離造次於是顛沛於是復歸於嬰兒能受無用知其白養性守其黑保命為天下式

是法是則為天下式節候常德不忒分毫復歸於無極完此太虛知其榮心廣

守其辱體胖為天下谷空諸所有為天下谷虛中常德乃足無餘復歸於

樸太易無極樸散而為器易有太極是生兩儀聖人用之知有此理則為官長設教化人

故大制不割混沌而無剖析

玉華帝君注曰雄雌即先後之謂雄居先雌居後也人情莫

不爭先而恐後乃爭先者易蹶反不如後者之穩步焉聖人非不知其雄也而甯守其雌谿谿即深谿之谿言聖人守後而不務先其德足以感孚天下天下歸之如眾流之趨深淵是爲天下之谿矣雖爲天下谿而聖人不以眾歸自矜也猶是抱常德不以離冲虛恬淡絕無嗜慾雖大人猶然赤子故曰復歸於嬰兒白黑即明暗之義白其明也黑其暗也人情莫不尙明而恥暗乃尙明者察察多傷反不如暗者之韜晦焉聖人非不知其白也而甯守其黑式即法式之式言聖人守暗而不務明其德足以爲範天下天下則之奉以爲式雖奉爲式而聖人不敢以自伐也猶是守常德而不忒泯聲色同道藏輯要

道德經解

三

心集一

寂寥不滯形象仍返本始故曰復歸於無極至於榮辱尤其較著者也人情莫不好榮而惡辱乃至於榮者辱旋及之反不如安辱者之自得也聖人非不知其榮也而甯守其辱謙冲善下虛而能受受而不有如天下之空谷然夫惟如天下之谷則無所不容無所不納常德於以足矣而究之有爲仍無爲也樸者性始之名性始無爲故曰復歸於樸樸無也復歸於樸是有不終有仍返於無矣道樸散而爲器是無不終無復趨於有矣無者天地之始也有者萬物之母也譬如人君既已建其有極又分設官長以會其極大制宰制也割割裂也君令臣共以此宰制天下而何割裂之有哉